

goj lwgnyez

Gaeqlwg Caeuq Bitlwg

小鸡和小鸭



Ngoenz ndeu, gaeqlwg caeuq daxmeh daeuj gwnz diegrum henz dah ra gwn guhcaemz. Duz bitlwg ndeu hix youq gizneix guhcaemz.

Gaeqlwg yawjyawj bitlwg, raen duz bitlwg bwn yungzyubyub gig ndei yawj, hoeng, ndang benjbed bizbwd, ga daemqded, byaij loh ngauzngednged, couh naeuz: “Duzbit bizbangbang, byaij loh lumj ga’ gvez nei, yakyawj raixcaix!”

Daxmeh naeuz: “Mbouj ndaej gangj vunz, boux miz boux yienghceij.”

Gaeqmeh raen miz doi haux ndeu, couh swenj “goek goek” heuh gaeqlwg caeuq bitlwg gvaq-

bae guhdoi h gwn.

Gaeqlwg bak soemset, bak aj didi couh “doek doek doek” ding ndaej haux gwn. Bitlwg bak benj youh gvangq, saex mbouj ndaej dawz haux, ciengzciengz deng ngaem hoz roengzdaeuj aj bak conx cij ndaej.

Gaeqlwg yawj mbouj gvaq da lo, naeuz: “Baenzneix damgwn, aj bak gvangqmyangmyang.” Gaeqmeh dingq le, naeuz daeglwg de: “Daihgya guhdoi h mbouj ndaej doxyiemz doxceng, au doxhuz doxbang cij ndaej.”

Gwn haux gvaq le, daihgya yietnaiq guhcaemz.

Seizneix, gaeqlwg raen bitlwg youq ndaw raemx youz bae youz dauq, lij seiz mbouj seiz ndaem ndaw raemx bae saex doxgaiq gwn, gig mizyinx. De hix siengj bae sawqsawq.

Mbouj liuh, de baez roengz raemx, aenndang couh cij rox caem roengzbae, mbouj rox fouz hwnjdaeuj. De hwk ndaej swenj gouqmingh.

Gaeqlwg youq ndaw raemx yied cak yied caem roengz daej raemx bae, daxmeh de hix mbouj rox youzraemx, simgip ndaej youh swenj youh daej.

Bitlwg dingqnyy miz vunz swenj gouqmingh, nyex gyauej yawjraen gaeqlwg caem roengz raemx bae, couh sikhaek youz gvaqdaeuj. Cij raen de ngaem gyauej baez ndaem hauej raemx, couh ndonj daengz laj ndang gaeqlwg bae, dawz gaeqlwg daix hwnj najraemx daeuj. Gaeqlwg ndaej gouq lo. Gaeqlwg saenz-dedded naengh youq gwnz laeng bitlwg. Bitlwg naeuz: “Daegnuengx, mbouj lau, naengh onj lo!” Gaeqlwg rex maenh hoz bitlwg. Bitlwg aenndang lumj aenruz iq nei, doz ndaej gaeqlwg onjtwit. De vad doiq nyauj dinjded de, youz daengz haenzdah daeuj, haenqrengz baez bungj, gaeqlwg hwnj haenz lo.

Gaeqlwg caeuq daxmeh cungj docih bitlwg gouqmingh. Bitlwg naeuz: “Daegnuengx, mwngz dwg

mbouj dwg siengj gwn gij doxgaiq ndaw raemx? Gou bang mwngz.” Gangj sat couh roengz raemx bae.

Bitlwg ra ndaej bya iq, duznyauh caeuq gomez, couh gamz hwnj gwnz haenz daeuj hawj duzgaeq mehlwg gwn.

Daihgya youh youq gwnz diegrum guhcaemz. Yaephe, gaeqlwg raen duzdaek mbin, couh buet bae dot, baez dot couh ndaej dawz. Bitlwg hix bae saex, hoeng, saex mbouj dawz. Baenzneix geij baez, gaeqlwg raen le, dot dawz duzdaek ndenq hawj bitlwg, naeuz: “Daeggo, mwngz gaeb mbouj ndaej dawz daek, couh suenq lo, gou dot hawj mwngz gwn.”

Bitlwg cimz gwn duzdaek, gij feihdauh geijlai rangdiemz ha!

Gaeqmeh naeuz: “Daihgya guhdoi h couhdwg beixnuengx. Yienghneix doxhuz doxbang, couh gijmaz hojnanz hix mbouj lau, lo.”

(Ganh Sozywnz/甘说文 bienhoiz)

Dwk Gyangq

打陀螺



Ngoenzneix fwn doeksasa, gou ok rog bae guhcaemz mbouj ndaej, mbwq lai lo. Yienghneix gou couh caeuq daegnuengx doxdax dwk gyangq.

Dou dawz aen eij he daeuj guh aenbuenz doxdax dwk gyangq.

Doxdax haenduq lo, song boux dou gag dawz ok aen’gyangq swhegeij, gou dawz ok aen’gyangq gig geng gig ak he. Daegnuengx hix mbouj saw hawj gou, dawz ok aen’gyangq gig miz rengz dwk bouxwnq he.

Doxdax gaenq haenduq lo, gou caeuq daegnuengx boux mbouj nyiengh boux, song aen gyangq youq gwnz buenz doxdwk haenx aenvih doxdaemj yungh rengz lai gaenq baenq menh roengzdaeuj haujlai. Cingq youq mwh yaek dingz roengzdaeuj haenx, sawqmwh, aen’gyangq daegnuengx yied

baenq yied vaiq, cingsaenz gvaekgvaek, aen’gyangq gou cix naiqnuknuk, yied baenq yied menh, ginggvaq sijsaeq cazyawj, gou fatyienh aen’gyangq daegnuengx dwg baenq coh baihsuix, aen’gyangq gou cix dwg baenq coh baihgvaq, gvaqmboujndaej dwg yienghneix, caen yaemdoeg! Daegnuengx de vihlux ndaej hingz couh yungh ciu he dwk hingz gou. Ciengz daih’it gou saw lo, daegnuengx sou aen’gyangq de dauq, de angq dwk fwngz vad din diuq.

Doxdax lij caengz baen sawhingz bw. Ciengz daihngaih haenduq lo, song boux dou gag dwk aen’gyangq swhegeij okbae, song aen gyangq baenqlulu, yawj mbouj ok aen lawz baenq ndaej vaiq aen lawz baenq ndaej menh, song aen gyangq lumjbaenz gig doxndei, aen mbouj bungq aen. Aen’gyangq gou dwg aen’gyangq baenq ndaej seizgan nanz he, ciengz doxdax neix gou siengsaenq gou itdingh dwk ndaej hingz.

Sawqmwh aen’gyangq daegnuengx yungh cungj fuengfap cienzgangj he, couhdwg sawqmwh daenqsenj, aen de daj seiq baih daeuj gung aen gou, aen gou deng gung dwk wngqfouq mbouj gib, ciu neix caen ak, ndaej daj seiq baih gung, gung dwk aen gou doeng nyeng sae laemx, mbouj miz banhfap baenq. Gou youh saw lo. Daegnuengx angqvauvau, aenvih de youh caiq baez dwk baih gou.

Yienznaeuz gou baezneix saw lo, hoeng gou siengsaenq baezlaeng gou itdingh hingz de, aenvih saetbaih ndaej rox hit, saetbaih dwg goekgaen guh ndaej baenz.

(roek nienzgaep Couh Yenzdiz)

Miz vunz siengj dang boux gohyozgyah he, vih vunz lai cauhfuk; miz vunz siengj dang boux canghyw he, bang vunz yw ndei bingh; miz vunz siengj dang

boux vanzbauj gunghyinz he, sawj aensingz bienq ndaej engqgya gyaunde; miz vunz siengj dang boux yijhangzyenz he, bae daigungh saenzmaed haenx damqcaz, biengjhai gij saenzmaed ndaw daigungh ……

Simnyienh gou dwg dang boux lauxsae bingzciengz youh hungmbwk he. Mwh hwnj youwzyenz, gij lauxsae lumj dahsien simndei nei, geiq youq ndawsim gou gig maenh. Hwnj siujyoz le, gyoengq lauxsae nyinhcaen naihsim son hagseng haenx sawj gou gig gingqcungh, yienghneix, nyienhmuengh dang lauxsae couh youq ndawsim gou didngaz lo.

Danghnaeuz gou dang lauxsae, itdingh mbouj baebingz saekboux hagseng, cix dwg naihsim son de, cijdauj de, hawj de ndaej daengz engq ndei gyauyuz. Danghnaeuz boux hagseng lawz baenz bingh lo, gou itdingh rex de bae yihvusiz yawj bingh, caiq soengq de ma ranz, hawj de gamjsouh daengz gou gvensim de couh lumj dwg daxboh daxmeh gvensim de nei ……

Danghnaeuz gou guh lauxsae le, gou itdingh mbouj buci haujlai cozyez hawj hagseng, sawj gyoengqde guh dwk sinsin hojhoj. Gou itdingh hawj hagseng doeg mbangj sawgovai, hawj gyoengqde lai rox cihsiz, lij hawj gyoengqde youq ndaw saedceij bingzciengz lai guh sizcenj ……

Danghnaeuz gou guh lauxsae le, itdingh mbouj ragdangz. Gij goq gou itdingh gangj ndaej gig sengdoengh, hawj hagseng cungj gyaenz dingq, dingq mbouj mbwq ……

Danghnaeuz gou caen ndaej dang lauxsae le, gou itdingh au gij cihsiz gou rox haenx cungj son hawj gyoengq hagseng.

(seiq nienzgaep Yangz Siucenh)



Simnyienh Gou

我的心愿